

**BOSNA I HERCEGOVINA  
FEDERACIJA BOSNE I HERCEGOVINE**

---

**ODBOR ZA JAVNI NADZOR  
REVIZORSKE KOMORE, DRUŠTAVA ZA REVIZIJU I OVLAŠTENIH REVIZORA  
U FEDERACIJI BOSNE I HERCEGOVINE**

---

## **IZVJEŠTAJ O RADU**

**2018. GODINA**

Broj: 01-02-11/19

Sarajevo, 27.03.2019. godine

Izveštaj o radu Odbora za javni nadzor sadrži sljedeće dijelove:

1. Uvod
2. Pravni položaj, organizacija i zadaci
3. Aktivnosti Odbora u 2018. godini

Prilozi:

- Program rada Odbora za 2019. godinu
- Pregled dnevnog reda održanih sjednica Odbora tokom 2018. godine.

## **1. UVOD**

Najznačajnije aktivnosti Odbora za javni nadzor u 2018. godini su:

- Redovna intenzivna komunikacija sa Upravnim vijećem Komore. Održano je više sastanaka na kojima su članovi Odbora dali određene preporuke predstavnicima Komore i iznijeli stajališta vezano za aktuelno stanje i prevazilaženje problema u radu Komore. Tako je data preporuka da se identifikuju problemi u radu Komore, da se oni podijele u sistemske i operativne prema hijerarhiji, te da takav dokument posluži kao platforma za sastanak sa Federalnom ministricom finansija i da se na osnovu toga razmotri potreba izmjene u aktima Komore kako bi se stvorile pretpostavke za rješavanje pitanja kadrovske popunjenosti Komisije za nadzor i provjeru kvaliteta rada revizorskih društava i ovlaštenih revizora, kao tijela Komore koje obavlja najznačajniju funkciju Komore u skladu sa obavezama koje su utvrđene Zakonom i nastavka aktivnosti na provođenju direktnih nadzora. Redovno su i tražene i razmatrane informacije o aktivnostima Komore
- Praćenje aktivnosti Komore vezano za provođenje Programa edukacija koje provodi Komora, a u vezi sa realizacijom aktivnosti Odbora koje su planirane u Programu rada Odbora za 2018. godinu. U tom cilju predstavnik Odbora je prisustvovao seminaru koji je provodila Komora u Neumu. Također je vršen i uvid u materijale korištene u provođenju edukacije. Predstavnik Odbora prisustvovao je sjednici skupštine Komore, sa ciljem proaktivnog pristupa i sagledavanja svih problema Komore kroz dobijanje informacija, direktno od članova Komore.
- Kontinuirano razmatranje predavki zaprimljenih od članova Komore i drugih zainteresovanih osoba, te pravovremeno zauzimanje stajališta o njima.
- Redovno izvještavanje Federalnom ministarstvu finansija o aktivnostima Odbora. Prema uspostavljenoj praksi, najmanje jednom mjesečno, a u posebnim okolnostima i češće, Odbor dostavlja izvještaj o aktivnostima nadležnom Ministarstvu. U cilju razmatranja i preispitivanja postojećeg sistema javnog nadzora revizije u Federaciji BiH i sagledavanja potpune slike stanja u profesiji, Odbor je prema Ministarstvu uputio inicijativu za održavanje radnog sastanka – okruglog stola.

- Priprema informacija o napretku u oblasti finansijskog izvještavanja i revizije, odnosno o najznačajnijim aktivnosti koje je Odbor postigao vezano za aktivnosti obavljanja funkcije javnog nadzora, za potrebe Ministarske konferencije u Beču organizirane od strane Svjetske banke.

## **2. PRAVNI POLOŽAJ, ORGANIZACIJA I ZADACI**

Odredbama člana 66. Zakona o računovodstvu i reviziji u Federaciji Bosne i Hercegovine („Službene novine Federacije BiH“, broj: 83/09 - u daljem tekstu: Zakon) propisano je da javni nadzor nad Revizorskom komorom FBiH, društvima za reviziju i ovlaštenim revizorima provodi Odbor za javni nadzor.

Prema Zakonu, Odbor ima pet članova koje na prijedlog Federalnog ministra finansija (dalje: Ministar), imenuje i razrješava Vlada Federacije BiH. Odbor donosi odluke konsenzusom. Članovi Odbora moraju biti eksperti iz oblasti revizije koji posjeduju znanje iz tog područja i koji nisu profesionalno angažovani u provođenju revizije.

Vlada Federacije BiH je, na prijedlog Ministra, Rješenjem: V broj: 1168/2013. od 23. 10.2013. godine, koje je objavljeno u Službenim novinama, imenovala Odbor za javni nadzor u sastavu: Haris Jahić, Nedžad Tuće, Željko Šain, Safija Žilić i Željko Bošnjak.

Sredstva za finansiranje aktivnosti Odbora obezbjeđuju se u Budžetu Federacije Bosne i Hercegovine. Sjednice Odbora održavane su u prostorijama Federalnog ministarstva finansija (dalje: Ministarstvo), koje pruža neophodnu administrativno-tehnički podršku potrebnu za nesmetan rad Odbora.

Prva, konstitutivna, sjednica Odbora za javni nadzor održana je 21.01.2014. godine. Organizacija, način rada, prava i obaveze Odbora za javni nadzor uređeni su Poslovníkom Odbora koji je donesen na osnovu Zakona i dostavljen na saglasnost Ministru Vlade Federacije BiH.

Prema Zakonu, Odbor je dužan dostaviti izvještaj o radu za proteklu godinu i izvršenju finansijskog plana, putem Ministarstva, Vladi Federacije BiH na razmatanje i prihvatanje, najkasnije do 31. marta tekuće godine.

Također, program rada i finansijski plan za narednu godinu Odbor je obavezan dostaviti Vladi Federacije BiH, najkasnije do 31. decembra tekuće godine, što je Odbor, 27.12.2018. godine i učinio.

Program rada i Izvještaj o radu Odbora, moraju, prema Zakonu, biti objavljeni na internetskim stranicama Ministarstva i Vlade Federacije BiH.

S obzirom na propisano u Zakonu i Poslovníku o radu, Odbor:

1. vrši provjeru i nadzor u skladu sa članom 66. Zakona,
2. prati provedbu propisa iz oblasti računovodstva i revizije, predlaže njihove izmjene i dopune, te sudjeluje u postupku izrade nacrtu propisa putem svojih članova,

3. u svrhu provedbe ovlaštenja, po službenoj dužnosti ili na prijedlog zainteresovane strane, po pravu nadzora, može predložiti Komori da poništiti, ukine ili izmijeni akte Komore,
4. može naložiti inspekcijski nadzor revizorskih društava i i ovlaštenih revizora putem Komore, stručnih lica ili nadležnih državnih institucija.

Odbor razmatra godišnji izvještaj o radu Komore, koji je Komora dužna dostaviti Odboru u roku od 15 dana od usvajanja na Skupštini Komore i o istome daje mišljenje koje se, zajedno sa izvještajem Komore, uz posredovanje Ministarstva, dostavlja Vladi Federacije BiH.

U cilju provođenja javnog nadzora Odbor može, prema potrebi, tražiti odgovarajuće izvještaje i podatke o aktivnostima Komore.

Dalje, Odbor daje mišljenje na:

- Statut Komore,
- pravila nadzornog i kontrolnog postupka i metodologije za obavljanje provjere kvaliteta rada koje donosi Komora,
- akt o obliku i sadržaju radne dokumentacije revizora,
- program rada i razvoja Komore,
- godišnje izvještaje o radu Komore,
- odabir zaposlenika Komore, koji obavljaju ovjeru kvalitete rada revizorskih društava i ovlaštenih revizora, imenovanih od strane Upravnog vijeća Komore i
- odluku o iznosu revizorske naknade.

Ako u provedbi javnog nadzora Odbor ocijeni da postoji osnovana sumnja u nezakovitosti i nepravilnosti koje proizlaze iz provođenja javnih ovlaštenja od strane Komore:

- zatražit će izvještaje i druge podatke o uočenim mogućim nepravilnostima,
- predložit će mjere radi njihovog otklanjanja,
- pokrenut će postupak za utvrđivanje odgovornosti zaposlenika Komore,
- tražit će sazivanje Skupštine Komore ukoliko je to potrebno radi zaštite zakonitosti i dobrobiti revizorske struke,
- obavijestit će Ministarstvo i
- poduzet će druge mjere iz svoje nadležnosti.

Odbor, kontinuirano, prema propisanom, treba da prima obavijesti od Revizorske Komore vezano za nadzor rada i provjeru kvalitete rada revizorskih društava i ovlaštenih revizora, o prekršajnim postupcima i drugim preuzetim mjerama da se uklone i sankcionišu utvrđene nepravilnosti.

Odbor je, prema Zakonu, obavezan na saradnju sa nadzornim tijelima u Republici Srpskoj, Brčko Distriktu, državama članicama Evropske unije i trećim zemljama,

posebno u slučajevima utvrđivanja određenih nepravilnosti u radnjama društava za reviziju i ovlaštenih revizora.

Odbor, također, daje prethodnu saglasnost Ministarstvu da, na prijedlog Komore i na osnovu iskazane potrebe u toku provedene naknadne provjere i rezultata provjere, donese akt kojim će odlučiti o brisanju iz registra društva za reviziju i/ili proglasiti, ranije izdatu licencu ili odobrenje, nevažećim.

### **3. AKTIVNOSTI ODBORA U 2018. GODINI**

#### **3.1. Rad Odbora kroz sjednice Odbora**

Tokom 2018. godine, Odbor je održao trinaest sjednica (XXXIII-XLV).

Sjednice Odbora održavane su u prostorijama Federalnog ministarstva finansija, uz administrativno-tehničku pomoć ovog Ministarstva.

Na Tridesettećoj sjednici (24.01.2018. godine) Odbor je razmatrao Nacrt Izvještaja o radu Odbora za 2017. godinu na koji su date određene sugestije u smislu naznake glavnih aktivnosti Odbora u prethodnoj godini te je donesen zaključak da će se, uz uvažavanje istih, za narednu sjednicu pripremiti Prijedlog Izvještaja o radu Odbora za 2017. godinu. U okviru tačke - Razmatranje dopisa za Revizorsku komoru vezano za Skupštinu komore, dogovoreno je da se prijedlog dopisa, dostavljen u materijalima za sjednicu, koriguje na način da se zatraže i informacije o aktivnostima Komore u proteklom periodu u odnosu na zadnju dostavljenu informaciju. Navedeni dopis je upućen Komori 25.01.2018. godine. Takođe je raspravljano o potrebi da se, nakon dobijanja odgovora od strane Komore, uputi akt Federalnom ministarstvu finansija, vezano za ovu problematiku.

Na Tridesetčetvrtoj sjednici (21.02.2018. godine) Odbor je usvojio Prijedlog Izvještaja o radu Odbora za 2017. godinu i donio zaključak da će isti biti prosljeđen Vladi Federacije BiH nakon zaprimanja Izvještaja o radu Revizorske komore FBiH. U okviru tačke dnevnog reda - Razmatranje dopisa za Revizorsku komoru FBiH - Poziv za Skupštinu komore, konstatovano je da je suština u tome da postoji otpor prema uspostavljanju nadzora te da će Odbor, nakon pribavljanja Izvještaja o radu Komore i prilikom upućivanja istog zajedno sa Izvještajem o radu Odbora Vladi Federacije BiH, dati svoj komentar u kome će se, eventualno, navesti i prijedlozi za rješavanje situacije. Na istoj sjednici donesen je zaključak da će Predstavnik Odbora za javni nadzor prisustvovati Skupštini Komore i u kontekstu i skladu sa zakonskim ovlaštenjima, iznijeti stajalište da je Odbor imao dojam da se došlo do pozitivnih pomaka u radu Komore i da iznenađuje činjenica da to Skupština Komore nije uvidjela te da će Odbor zatražiti Izvještaj o radu Komore za 2017. godinu nakon usvajanja istog na Skupštini Komore, kao i da će Odbor, prilikom upućivanja istog zajedno sa Izvještajem o radu Odbora, Vladi Federacije BiH, dati svoj komentar. Osim toga, na istoj sjednici zaključeno je da će Odbor od Komore, u vezi sa dobijenom predstavkom gosp. Bahtanovića, a koja je upućena i Komori, zatražiti da se provede vanredni nadzor društva za reviziju „RESPEKT d.o.o. Tuzla“ i provjere navodi iz predstavke. Istim aktom

Odbor će zatražiti informaciju o prethodno zatraženom vanrednom nadzoru društva za reviziju „BAKER TILLY RE OPINION d.o.o. Sarajevo“.

Na Tridesetpetoj sjednici (27.03.2018. godine) Odbor je razmatrao Izvještaj o radu Komore za 2017. godinu te je, nakon rasprave, donesen zaključak da je Odbor primio k znanju Izvještaj o radu Revizorske komore Federacije BiH i Izvještaj o nadzoru i provjeri kvaliteta rada revizorskih društava i ovlaštenih revizora za 2017. godinu. Dogovoreno je da će Odbor, u prapratnom aktu uz Izvještaj o radu Odbora, navesti da su Izvještaji primljeni k znanju i s tim u vezi naglasiti zapažanje na rad Revizorske komore FBiH, odnosno revizorskih društava, a to je očigledna nespremnost i nedostatak volje za uspostavljanje efikasne funkcije nadzora i provjere kvaliteta rada revizorskih društava, što ima za posljedicu značajnu neusklađenost između javnih ovlaštenja koja ima Komora i javnog interesa te da povodom toga Odbor predlaže organizovanje okruglog stola na temu Institucije i instrumenti nadzora nad radom revizorskih društava na kojem bi bili pozvani predstavnici Odbora, Federalnog ministarstva finansija, Komore, kao i predstavnici velikih firmi, iz različitih djelatnosti, koje se revidiraju. Zaključeno je da će se takođe navesti da Odbor smatra da naprijed navedeno, a imajući u vidu i česte promjene upravljačke strukture u Komori i činjenicu da od osnivanja Komore do danas nije uspostavljen stabilan sistem nadzora i nisu provođene direktne kontrole, predstavlja svojevrsne indikatore za održavanje okruglog stola. Odbor je Izvještaj o radu za 2017. godinu uputio Vladi Federacije BiH putem Federalnog ministarstva finansija 27.03.2018. godine. Osim navedenog, na ovoj sjednici Odbora vođena je kraća rasprava u vezi sa Informacijom o održanoj Skupštini Komore zaprimljenom 19.03.2018. godine od strane Komore.

Na Tridesetšestoj sjednici (24.04.2018. godine) Odbor je, između ostalog, razmatrao dopis DELOITTE d.o.o. Sarajevo (zaprimljenog putem maila) te je nakon rasprave donesen zaključak da će Odbor, putem mail-a, a nakon usvajanja teksta od strane svih članova Odbora, uputiti odgovor Deloitte d.o.o. Sarajevo. Na istoj sjednici je Predsjedavajući Odbora obavijestio ostale članove Odbora da je Vlada Federacije BiH, na 111. sjednici održanoj 12.04.2018. godine, usvojila Izvještaj o radu Odbora za 2017. godinu.

Na Tridesetsedmoj sjednici (22.05.2018. godine) Odbor je razmatrao Prijedlog Odluke o izmjeni Odluke o izboru Predsjedavajućeg i Zamjenika predsjedavajućeg Odbora u kome je za Predsjedavajućeg Odbora predložen gosp. Željko Bošnjak, a za Zamjenika Predsjedavajućeg Odbora gosp. Željko Šain, koji je dostavljen u materijalima za ovu sjednicu. Donesen je zaključak da se Usvaja se Odluka o izmjeni Odluke o izboru Predsjedavajućeg i Zamjenika predsjedavajućeg Odbora u tekstu u kom je predložena. Osim toga, doneseni su zaključci da će Odbor ponovo uputiti dopis Federalnom ministarstvu finansija vezano za održavanje okruglog stola, kao i da će uputiti dopis Komori i zatražiti informacija o aktuelnostima u odnosu na zadnju dostavljenu informaciju.

Na Tridesetosmoj sjednici (20.06.2018. godine) Odbor je razmatrao akt Komore – Informacija o aktuelnostima koja je dostavljena članovima u materijalima za ovu sjednicu. Više o datim informacijama članovi su imali priliku čuti tokom sastanka sa članovima Upravnog vijeća Komore održanom neposredno prije početka sjednice.

Tokom sastanka članovi Odbora upoznali su se sa g-đom. Ivankom Brkić, novoizabranim Predsjednikom Komore i g-đom. Esmom Kovačević, novoizabranim članom Upravnog vijeća Komore. Osim toga, na sastanku su razmijenjena mišljenja vezana za aktuelne probleme i doneseni su zaključci da se identifikuju problemi i podijele u sistemske i operativne prema hijerarhiji te da takav dokument posluži kao platforma za sastanak sa Federalnom ministricom finansija te da se akti Komore usklade sa važećim zakonom. Na sjednici je, nakon rasprave, donesen zaključak da će Odbor sačiniti službenu zabilješku sa sastanka održanog između članova Odbora i Revizorske komore Federacije BiH održanog 20.06.2018. godine i da će navedena zabilješka biti sastavni dio Zapisnika sa ove sjednice Odbora.

Na Tridesetdevetoj sjednici (17.07.2018. godine) Odbora konstatovano je da su realizovani zaključci sa prethodne sjednice Odbora, obzirom da je Odbor sačinio službenu zabilješku sa sastanka održanog između članova Odbora i Upravnog vijeća Revizorske komore Federacije BiH održanog 20.06.2018. godine. Navedena zabilješka je sastavni dio Zapisnika sa prethodne sjednice Odbora i ista je proslijeđena Komori elektronskim putem. Na sjednici je vođena rasprava u vezi sa konstatacijama i zaključcima sa pomenutog sastanka, te su članovi Odbora iznijeli stavove u vezi sa istim u smislu da smatraju da ne postoji prepreka da Komora provodi upravni postupak jer su joj ovlaštenja data Zakonom o računovodstvu i reviziji u Federaciji BiH te da nema potrebe za davanjem posebnog ovlaštenja. U nastavku rasprave je konstatovano da se akti Komore moraju uskladiti sa Zakonom i da se Komora treba posvetiti provođenju nadzora, a da će Odbor zauzeti stav nakon zaprimanja dokumenta od Komore u kome će Komora da identifikuju probleme i podijeli ih u sistemske i operativne prema hijerarhiji, kako je i zaključeno na pomenutom sastanku.

Na Četrdesetoj sjednici (29.08.2018. godine) Odbora konstatovano je da će se u vezi sa zaključkom donesenim na prethodnoj sjednici u vezi sa aktuelnim problemima i zaključcima sa sastanka sa članovima Upravnog vijeća Komore i dalje raspravljati. Donesen je i zaključak da će Odbor uputiti akt Komori vezano za zaključke sa sastanka održanog 20.06.2018. u kome će se navesti potreba izrade dokumenta u kome će se identifikovati problemi i podijeliti u sistemske i operativne prema hijerarhiji, kao i predložiti termin za održavanje sledećeg sastanka te će se istim aktom zatražiti informacija o aktuelnostima u Komori. Navedeni akt je elektronskim putem upućen Komori 31.08.2018. godine. Na istoj sjednici je donesen i zaključak da će na narednom sastanku sa članovima Upravnog vijeća Komore jedna od tačaka dnevnog reda biti iznalaženja načina za prikupljanje relevantnih informacija vezanih za kvalitet rada ovlaštenih revizora i društava za reviziju (anketa, upitnik...) kako bi se došlo do realnije slike stanja u profesiji i na osnovu toga napravio program revitalizacije rada ovlaštenih revizora i društava za reviziju.

Na Četrdesetprvoj sjednici (28.09.2018. godine) Odbora, održanoj elektronskim putem u skladu sa članom 6. stav (4) Poslovnika o radu Odbora za javni nadzor, raspravljalo se o informacijama dostavljenim od strane Komore u kojima su pobrojane i opisane aktivnosti Revizorske komore u periodu juli-septembar 2018. godine. Članovi Odbora su pozdravili aktivnosti Komore vezane za proces pripreme i izvođenja kontinuirane profesionalne edukacije revizora u organizaciji Komore. Kao pozitivan korak ocijenjena je aktivnost disciplinskog tijela Komore na provođenju postupaka i

izricanja mjera za utvrđene prekršaje od strane revizorskih društava kao članova Revizorske komore. Nakon rasprave donesen je zaključak da će na narednom sastanku sa članovima Upravnog vijeća Komore biti potencirano pitanje načina otklanjanja smetnji (uključivo i izmjenom akata Komore) za vršenje nadzora nad kvalitetom rada revizora i revizorskih društava. Na sjednici se razmatrao i dopis koji je Komora zaprimila od Federalnog ministarstva finansija, a koji je prosljeđen i Odboru za javni nadzor. Tokom rasprave je istaknuto kako je neprihvatljivo da revizorsko društvo u ponudi navede da će reviziju finansijskih izvještaja izvršiti za jedan dan, te da takvih slučajeva u praksi vjerovatno ima mnogo više te da to upućuje da je po tom pitanju potrebno razmisliti o promjeni propisa u smislu vezivanja cijene usluge za rad revizorskog društva sa vremenom i složenošću postupka revizije, o čemu bi Odbor trebao zauzeti svoj stav, na osnovu kojeg bi se uputila inicijativa prema Federalnom ministarstvu finansija. Donesen je zaključak da će Odbor na sljedećoj sjednici raspraviti o ovom problemu, te potom uputiti inicijativu prema Federalnom ministarstvu finansija u svrhu iznalaženja rješenja.

Na Četrdesetdrugoj sjednici (23.10.2018. godine) Odbora konstatovano je da su realizovani zaključci sa prethodne sjednice. U vezi sa zaključkom donesenim vezano za dopis koji je Komora zaprimila od Federalnog ministarstva finansija (akt broj: 04-14-1-5719/18/JR), a koji je prosljeđen i Odboru za javni nadzor, Odbor je razmatrao isti i donio stav da podržava zahtjev Ministarstva naznačen u tom dopisu. U vezi sa tačkom dnevnog reda - Rasprava o realizaciji zaključaka sa sastanka s predstavnicima Upravnog vijeća Revizorske komore FBiH, Odbor je izrazio zadovoljstvo konstruktivnom raspravom između članova Odbora i predstavnica Upravnog vijeća Komore, na sastanku održanom netom prije sjednice. Posebno je važnim ocijenjen stav članova Odbora da se uvođenje direktnog nadzora ne može odgađati u nedogled, te usvojen i zaključak da Upravno vijeće Komore hitno napravi Projekat uvođenja direktnog nadzora sa tačno utvrđenim polazištem i ciljem sa vremenskom dinamikom i potrebnim resursima za provođenje istog, a da će Odbor pratiti aktivnosti u vezi s realizacijom tog Projekta, te u primjerenom roku od Komore zatražiti informacije o njegovoj realizaciji. Nakon rasprave je zaključeno da će Odbor sačiniti službenu zabilješku sa sastanka održanog između članova Odbora i Komore održanog 23.10.2018. godine te da će ista biti sastavni dio Zapisnika sa Četrdesetdruge sjednice Odbora.

Na Četrdesettećoj sjednici (27.11.2018. godine) Odbora konstatovano je da su realizovani zaključci sa prethodne sjednice, obzirom da je Odbor sačinio službenu zabilješku sa sastanka održanog 23.10.2018. godine između članova Odbora i Upravnog vijeća Komore te da je navedena zabilješka prosljeđena elektronskim putem članovima Upravnog vijeća Komore dana 30.11.2018. godine, kako je i zatraženo na sastanku. Osim toga, Odbor se osvrnuo i na zahtjev zaprimljen od strane Ministarstva da se za potrebe Ministarske konferencije u Beču u organizaciji Svjetske banke, pripreme određene informacije o napretku u oblasti finansijskog izvještavanja i revizije, odnosno da se navedu najznačajnije aktivnosti koje je Odbor postigao vezano za aktivnosti obavljanja funkcije javnog nadzora, što je blagovremeno pripremljeno i dostavljeno Ministarstvu u ostavljenom roku. U nastavku sjednice Odbor je konstatovao, u vezi sa zaprimljenim pozivom za edukaciju u organizaciji Komore, da



je jako dobro da se održavaju ovakvi seminari za ovlaštene revizore, jer to jača uticaj kako Komore kao institucije, tako i pojedinaca, članova Komore.

Na Četrdesetčetvrtoj sjednici (14.12.2018. godine) Odbora razmatran je Nacrt Programa rada Odbora za 2019. godinu. Tokom rasprave istaknuta je potreba da se izmjeni i sadržaj i forma Nacrta Programa rada Odbora za 2019. godinu te je, nakon rasprave, donesen zaključak da se održi elektronska sjednica 20.12.2018. godine na kojoj će se utvrditi konačan tekst Programa rada Odbora za 2019. godinu, uvažavajući sve elektronskim putem pristigle primjedbe. Osim toga, na pomenutoj sjednici donesen je zaključak da će Odbor, krajem mjeseca, uputiti dopis Komori u kome će zatražiti informaciju o provedenim aktivnostima vezanim za zaključke donesene na prethodnom sastanku i predložiti da se utvrdi termin za održavanje naredenog sastanka tokom mjeseca januara 2019. godine. Takođe je donesen i zaključak da će Odbor uputiti dopis Komori u kome će zatražiti da se Izvještaj o radu Komore dostavi Odboru najkasnije do 15.02.2019. godine, kako bi se ispoštovali zakonski rokovi za predaju izvještaja Odbora.

Na Četrdesetpetoj sjednici (20.12.2018. godine) Odbora, održanoj elektronskim putem u skladu sa članom 6. stav (4) Poslovnika o radu Odbora za javni nadzor, usvojen je Prijedlog Programa rada i Finansijskog plana Odbora za 2019. godinu, koji će biti upućeni Vladi Federacije BiH putem Federalnog ministarstva finansija na razmatranje.

### **3.2. Rad Odbora izvan sjednica Odbora**

Članovi Odbora su u dogovorenoj međusobnoj koordinaciji imali cijeli niz aktivnosti izvan sjednica Odbora. O njima je već, najvećim dijelom, ukazano u prvom dijelu ovog Izvještaja o radu. Posebno se naglašava činjenica da je Odbor i njegovi članovi radio timski, profesionalno i sve su odluke i zaključci donošeni jednoglasno. Ni po jednom pitanju nije bilo izdvojenih pojedinačnih mišljenja.

**PREDSJEDAVAJUĆI ODBORA**

  
**dr. sc. Željko Bošnjak**

## Prilog:

### GODIŠNJI PROGRAM RADA ODBORA ZA JAVNI NADZOR ZA 2019. GODINU

#### A) PRAVNI OSNOV

1. Zakon o računovodstvu i reviziji BiH ("Službeni glasnik BiH", broj: 42/04)
2. Zakon o računovodstvu i reviziji u Federaciji BiH („Službene novine Federacije BiH“, broj: 83/09)
3. Pravilnik o načinu i uslovima izdavanja, obnavljanja i oduzimanja licenci ovlaštenim revizorima i društvima za reviziju ("Službene novine Federacije BiH", br. 12/10, 42/10, 17/13 i 55/13)
4. Poslovnik o radu Odbora

#### B) ODGOVORNOST I OVLAŠTENJA ODBORA ZA JAVNI NADZOR

U skladu sa članom 66. Zakona o računovodstvu i reviziji u Federaciji BiH, Odbor obavlja nadzor nad:

1. Registracijom društava za reviziju,
2. Usvajanjem standarda profesionalne etike, interne kontrole kvaliteta rada društava za reviziju i revizije,
3. Provođenjem kontinuirane edukacije, osiguranja kvaliteta, te sistema discipline
4. Zakonitošću rada i postupanja Komore,
5. Djelotvornošću, ekonomičnosti i svrsishodnošću rada Komore,
6. Unutrašnjim uređenjem i organizacijom Komore te osposobljenošću članova za obavljanje poslova iz nadležnosti Komore,
7. Odnosom članova Komore prema društvima za reviziju i ovlaštenim revizorima i drugim strankama.

Također, prema Zakonu Odbor je ovlašten za saradnju sa nadzornim tijelima u Republici Srpskoj, Brčko Distriktu, državama članicama Evropske unije i trećim zemljama, posebno u slučajevima utvrđivanja određenih nepravilnosti u radnjama društava za reviziju i ovlaštenih revizora.

U slučaju kada se to pokaže potrebnim, Odbor može provoditi naknadne provjere društava za reviziju, te prema potrebi i rezultatima provjere poduzimati određene mjere i akcije, o čemu je Odbor obavezan informisati Federalno ministarstvo finansija/financija (FMF).

#### C) SADRŽAJ I OPIS OPERATIVNIH AKTIVNOSTI

1. Provjera postupka registracije društava za reviziju na osnovu podataka dobijenih od Federalnog ministarstva finansija/financija koje je odgovorno za izdavanje dozvola i vođenje registra društava za reviziju, kao i sastavljanje informacije za FMF o izvršenom nadzoru i utvrđenim činjenicama.
2. Provjera postupanja društava za reviziju i ovlaštenih revizora, na osnovu informacije i dokumentacije koja će se kvartalno, a po potrebi i češće, zatražiti od Revizorske komore Federacije BiH.
3. Provjera sadržaja i načina vođenja registra kod Revizorske komore Federacije BiH.
4. Praćenje donošenja i realizacije godišnjeg programa edukacije u organizaciji Revizorske komore, uvid u materijale koji se prezentiraju na seminarima i prisustvo članova Odbora edukacijama u organizaciji Revizorske komore Federacije BiH (Komore).
5. Nadzor nad donošenjem i primjenom normativnim akata Komore i praćenje aktivnosti Komore u izvršavanju zakonskih ovlaštenja i odgovornosti, što uključuje:
  - ✓ praćenje rada Skupštine Komore, Upravnog vijeća Komore i drugih tijela Komore;

- ✓ uspostavljanje saradnje i razmatranje izvještaja o radu, uključujući i finansijske izvještaja, te program rada Komore;
  - ✓ razmatranje informacije o radu Komore od njene uspostave do aktualnog stanja, identifikovanje problema u njenom funkcionisanju i iznalaženje mogućnosti za njihovo otklanjanje;
  - ✓ razmatranje Statuta i drugih akata Komore, zaključenih ugovori o angažmanu uposlenika Komore;
  - ✓ sačinjavanje informacije sa prijedlozima, sugestijama, primjedbama na usvojene akte;
  - ✓ razmatranje materijala i zapisnika sa održanih skupština Komore i sjednica Upravnog vijeća Komore, davanje komentara i sugestija na iste.
6. Uspostavljanje kontakata, organiziranje sastanaka i postizanje dogovora vezano za način saradnje i razmjene iskustava sa nadzornim i regulatornim tijelima u Bosni i Hercegovini i zemljama regiona (Hrvatska, Srbija, Crna Gora i dr.), kao i drugim stejkholderima – korisnicima revizorskih izvještaja u cilju sagledavanja kvaliteta rada revizorskih društava i ovlaštenih revizora.
  7. Uspostavljanje saradnje sa međunarodnim institucijama (WB, EC i sl.) a vezano za projekte koji se odnose na oblast računovodstva i revizije, kao i korporativno upravljanje, te nadzor u oblasti finansijskog tržišta.
  8. Iniciranje potrebnih izmjena i dopuna u propisima kojima je regulisana oblast računovodstva i revizije, aktivnosti na implementaciji novih propisa iz oblasti računovodstva i revizije.
  9. U skladu sa utvrđenim stanjem predlaganje aktivnosti i mjera sa ciljem provođenja javnog nadzora radi unaprjeđenja revizorske struke i povećanja povjerenja u revizorske izvještaje i finansijske izvještaje poslovnih subjekata.
  10. Podnošenje Izvještaja o radu Odbora za 2018. godinu Vladi Federacije BiH putem Federalnog ministarstva finansija/financija
  11. Sačinjavanje Programa rada Odbora za javni nadzor za 2020. godinu.

## **D) PLANIRANA REALIZACIJA OPERATIVNIH AKTIVNOSTI**

### **I. KVARTAL**

- ✓ Izvještaj o radu Odbora za javni nadzor 2018. godinu
- ✓ Razmatranje godišnjeg izvještaja o radu Revizorske komore za 2018. godinu koji uključuje i razmatranje izvještaja o provedenim nadzorima od strane Komore; priprema informacije o zapažanjima Odbora u vezi sa radom Komore u 2018. godini
- ✓ Nadzor nad registracijom društava za reviziju – presjek sa stanjem 31.12.2018. godine
- ✓ Održavanje sastanka sa predstavnicima Upravnog vijeća Revizorske komore Federacije BiH – aktuelnosti u radu Komore
- ✓ Iniciranje i održavanje sastanka sa predstavnicima nadzornih i regulatornih tijela u Bosni i Hercegovini i zemljama regiona (Hrvatska, Srbija, Crna Gora i dr.), kao i drugim stejkholderima – korisnicima revizorskih izvještaja u cilju sagledavanja kvaliteta rada revizorskih društava i ovlaštenih revizora.
- ✓ Iniciranje saradnje sa međunarodnim institucijama (WB, EC i sl.)

### **II. KVARTAL**

- ✓ Održavanje sastanka sa predstavnicima Upravnog vijeća Revizorske komore Federacije BiH
- ✓ Razmatranje općih akata Komore i informisanje o zapažanjima i eventualno iniciranje potrebnih izmjena
- ✓ Održavanje Okruglog stola u saradnji sa FMF-om – aktuelne teme
- ✓ Nadzor nad registracijom društava za reviziju – presjek sa stanjem 31.3.2019. godine
- ✓ Iniciranje i održavanje sastanka sa predstavnicima nadzornih i regulatornih tijela u Bosni i Hercegovini i zemljama regiona (Hrvatska, Srbija, Crna Gora i dr.), kao i drugim

stejkholderima – korisnicima revizorskih izvještaja u cilju sagledavanja kvaliteta rada revizorskih društava i ovlaštenih revizora.

- ✓ Prisustvovanje seminarima i drugim vidovima edukacije u organizaciji Komore

### **III. KVARTAL**

- ✓ Održavanje sastanka sa predstavnicima Upravnog vijeća Revizorske komore Federacije BiH
- ✓ Nadzor nad registracijom društava za reviziju – presjek sa stanjem 30.6.2019. godine
- ✓ Inicijiranje i održavanje sastanka sa predstavnicima nadzornih i regulatornih tijela u BiH i zemljama regiona (Hrvatska, Srbija, Crna Gora i dr.), kao i drugim stejkholderima – korisnicima revizorskih izvještaja u cilju sagledavanja kvaliteta rada revizorskih društava i ovlaštenih revizora. Implementacija stečenih iskustava i praksi u provođenju ovlaštenja Odbora na osnovu ostvarenih kontakata.
- ✓ Prisustvovanje seminarima i drugim vidovima edukacije u organizaciji Komore

### **IV. KVARTAL**

- ✓ Održavanje sastanka sa predstavnicima Upravnog vijeća Revizorske komore Federacije BiH
- ✓ Nadzor nad registracijom društava za reviziju – presjek sa stanjem 30.9.2019. godine
- ✓ Prisustvovanje seminarima i drugim vidovima edukacije u organizaciji Komore
- ✓ Inicijiranje i održavanje sastanka sa predstavnicima nadzornih i regulatornih tijela u BiH i zemljama regiona (Hrvatska, Srbija, Crna Gora i dr.), kao i drugim stejkholderima – korisnicima revizorskih izvještaja u cilju sagledavanja kvaliteta rada revizorskih društava i ovlaštenih revizora.
- ✓ Održavanje Okruglog stola u saradnji sa FMF-om – aktuelne teme
- ✓ Priprema i usvajanje Programa rada Odbora za 2020. godinu

**PREDSJEDAVAJUĆI ODBORA**

**dr. sc. Željko Bošnjak**

**Broj: 01-02-64/18**

**Sarajevo, 24.12.2018. godine**

*Prilog:*

**PREGLED DNEVNOG REDA ODRŽANIH SJEDNICA ODBORA  
TOKOM 2018. GODINE**

**Tridesetteća sjednica Odbora za javni nadzor održana 24.01.2018. godine:**

1. Usvajanje Zapisnika sa Tridesetdruge sjednice Odbora, održane 07.12.2017. godine;
2. Realizacija zaključaka sa Tridesetdruge sjednice Odbora;
3. Nacrt izvještaja o radu Odbora za 2017. godinu;
4. Razmatranje dopisa za Revizorsku komoru vezano za Skupštinu komore;
5. Aktuelnosti između dvije sjednice Odbora;
6. Tekuća pitanja.

**Tridesetčetvrta sjednica Odbora za javni nadzor održana 21.02.2018. godine:**

1. Usvajanje Zapisnika sa Tridesetteće sjednice Odbora, održane 24.01.2018. godine;
2. Realizacija zaključaka sa Tridesetteće sjednice Odbora;
3. Prijedlog Izvještaja o radu Odbora za 2017. godinu;
4. Razmatranje dopisa za Revizorske komore FBiH - Poziv za Skupštinu komore;
5. Aktuelnosti između dvije sjednice Odbora;
6. Tekuća pitanja.

**Tridesetpeta sjednica Odbora za javni nadzor održana 27.03.2018. godine:**

1. Usvajanje Zapisnika sa Tridesetčetvrte sjednice Odbora, održane 21.02.2018. godine;
2. Realizacija zaključaka sa Tridesetčetvrte sjednice Odbora;
3. Razmatranje Izvještaja o radu Revizorske komore FBiH za 2017. godinu;
4. Izvještaj o radu Odbora za 2017. godinu;
5. Aktuelnosti između dvije sjednice Odbora;
6. Tekuća pitanja.

**Tridesetšesta sjednica Odbora za javni nadzor održana 24.04.2018. godine:**

1. Usvajanje Zapisnika sa Tridesetpete sjednice Odbora, održane 27.03.2018. godine;
2. Realizacija zaključaka sa Tridesetpete sjednice Odbora;
3. Razmatranje dopisa DELOITTE d.o.o. Sarajevo (zaprimljenog putem maila);
4. Aktuelnosti između dvije sjednice Odbora;
5. Tekuća pitanja.

**Tridesetsedma sjednica Odbora za javni nadzor održana 22.05.2018. godine:**

1. Usvajanje Zapisnika sa Tridesetšeste sjednice Odbora, održane 24.04.2018. godine;
2. Realizacija zaključaka sa Tridesetšeste sjednice Odbora;
3. Prijedlog Odluke o izmjeni Odluke o izboru i imenovanju Predsjedavajućeg i Zamjenika predsjedavajućeg Odbora;
4. Aktuelnosti između dvije sjednice Odbora;
5. Tekuća pitanja.

**Tridesetosma sjednica Odbora za javni nadzor održana 20.06.2018. godine:**

1. Usvajanje Zapisnika sa Tridesetsedme sjednice Odbora, održane 22.05.2018. godine;
2. Realizacija zaključaka sa Tridesetsedme sjednice Odbora;
3. Razmatranje akta Revizorske komore Federacije BiH – Informacija o aktuelnostima;
4. Aktuelnosti između dvije sjednice Odbora;
5. Tekuća pitanja. Predsjedavajući Odbora je pozvao članove da se izjasne o dnevnom redu.

**Tridesetdeveta sjednica Odbora za javni nadzor održana 17.07.2018. godine:**

1. Usvajanje Zapisnika sa Tridesetosme sjednice Odbora, održane 20.06.2018. godine;
2. Realizacija zaključaka sa Tridesetosme sjednice Odbora;
3. Aktuelnosti između dvije sjednice Odbora;
4. Tekuća pitanja.

**Četrdeseta sjednica Odbora za javni nadzor održana 29.08.2018. godine:**

1. Usvajanje Zapisnika sa Tridesetdevete sjednice Odbora, održane 17.07.2018. godine;
2. Realizacija zaključaka sa Tridesetdevete sjednice Odbora;
3. Dopis Revizorskoj komori FBiH;
4. Aktuelnosti između dvije sjednice Odbora;
5. Tekuća pitanja.

**Četrdesetprva (elektronska) sjednica Odbora za javni nadzor održana 28.09.2018. godine:**

1. Usvajanje Zapisnika sa Četrdesete sjednice Odbora, održane 29.08.2018. godine;
2. Realizacija zaključaka sa Četrdesete sjednice Odbora;
3. Rasprava o informacijama Revizorske komore F BiH;
4. Tekuća pitanja.

**Četrdesetdruga sjednica Odbora za javni nadzor održana 23.10.2018. godine:**

1. Usvajanje Zapisnika sa Četrdesetprve (elektronske) sjednice Odbora, održane 28.09.2018. godine;
2. Realizacija zaključaka sa Četrdesetprve sjednice Odbora;
3. Rasprava o realizaciji zaključaka sa sastanka s predstavnicima Upravnog vijeća Revizorske komore FBiH;
4. Aktuelnosti između dvije sjednice Odbora;
5. Tekuća pitanja.

**Četrdesettreća sjednica Odbora za javni nadzor održana 27.11.2018. godine:**

1. Usvajanje Zapisnika sa Četrdesetdruge sjednice Odbora, održane 23.10.2018. godine;
2. Realizacija zaključaka sa Četrdesetdruge sjednice Odbora;
3. Aktuelnosti između dvije sjednice Odbora;
4. Tekuća pitanja.

**Četrdesetčetvrta sjednica Odbora za javni nadzor održana 14.12.2018. godine:**

1. Usvajanje Zapisnika sa Četrdesettreće sjednice Odbora, održane 27.11.2018. godine;
2. Prijedlog Programa rada Odbora za 2019. godinu
3. Aktuelnosti između dvije sjednice Odbora;
4. Tekuća pitanja.

**Četrdesetpeta (elektronska) sjednica Odbora za javni nadzor održana 20.12.2018. godine:**

1. Usvajanje Zapisnika sa Četrdesetčetvrte sjednice Odbora, održane 14.12.2018. godine;
2. Prijedlog Programa rada i Finansijskog plana Odbora za javni nadzor za 2019. godinu.

# **REVIZORSKA KOMORA FEDERACIJE BOSNE I HERCEGOVINE**

Broj: 01-191017-2

Datum: 17.10.2019. godine

Na osnovu člana 14. tačka c) Statuta Revizorske komore Federacije Bosne i Hercegovine, Skupština Komore, na sjednici održanoj 17.10.2019. godine, na prijedlog Upravnog vijeća usvaja

## **IZVJEŠTAJ O RADU ZA 2018. GODINU**

Revizorska komora Federacije Bosne i Hercegovine, obavljajući poslove i djelujući u skladu sa Zakonom o računovodstvu i reviziji u BiH i Statutom Komore, svoje aktivnosti u 2018. godini usmjerila je na ostvarivanje zadataka Komore usvojenim na Skupštini u okviru Plana rada za 2018. godinu.

U 2018. godini održane su dvije sjednice Skupštine Komore: dana 14.03.2018. i 21.09.2018.godine. Održano je pet sjednica Upravnog vijeća: 23.1.2018., 31.05.2018., 30.08.2018., 30.10.2018. i 13.12.2018. godine.

Na redovnoj sjednici Skupštine održanoj 21.09.2018. godine u Neumu imenovana su tijela Komore čijim dosadašnjim članovima je istekao dotadašnji mandat: Disciplinsko vijeće Komore i Odbor za nadzor finansijskog poslovanja. Također, usvojen je Plan i program rada za 2019., te usvojen budžet za 2019. godinu.

### **1. Opći poslovi**

Rad stručne službe u domenu vođenja Registara članstva, te zaštita podataka koji se vode u bazi podataka Komore i njihova objava su se odvijali kontinuirano i ažurno. Na dan 30.09.2019. godine u Revizorsku komoru Federacije BiH bilo je učlanjeno 103 društvo za reviziju i 362 ovlaštenih revizora. Prikupljanje članarine i doprinosa za finansiranje aktivnosti Komore te kvalitetno i pravovremeno obavljanje općih administrativnih i računovodstvenih poslova za službene potrebe Komore je ostvareno bez većih poteškoća. Na dan 31.12.2018. naplaćena je članarina u iznosu od 145.056,49 KM, od čega se 80% odnosi na članarinu za 2018. godinu, a 20 % na članarinu iz prethodnog perioda.

### **2. Provođenje funkcije nadzora i provjera kvalitete rada društava za reviziju i ovlaštenih revizora**

Provedene su aktivnosti prikupljanja podataka, analize izvještaja i obavještenja u svrhu nadzora nad kvalitetom rada društava za reviziju i ovlaštenih revizora (indirektni / neizravni nadzor), uz osiguravanje kompetentnog, nezavisnog i objektivnog pristupa u provedbi nadzornih aktivnosti. Provedba indirektnog nadzora je obavljana kontinuirano u skladu sa Metodologijom indirektnog nadzora, a ovom vrstom nadzora su obuhvaćena sva društva za reviziju upisana u Registar društava za reviziju pri Komori, kojih je prema službenim informacijama Komore, na dan 30.06.2018. godine bilo 98 (od toga 4 društva za reviziju sa

sjedištem u Republici Srpskoj). Postupak indirektnog nadzora za nadzornu godinu je obuhvatio je obradu i analizu dostavljenih Godišnjih upitnika za 2017. godinu koje za potrebe nadzora dostavljaju revizorska društva do 30.04. za prethodnu godinu, a sve u skladu sa članom 22. Pravilnika o nadzoru i provjeri kvaliteta rada društava za reviziju i ovlaštenih revizora. Od ukupnog broja registrovanih društava za reviziju, jedno društvo (BDO doo Mostar) nije dostavilo upitnik, odnosno ispunilo obavezu koja proizilazi iz odredbi Pravilnika o nadzoru i kontroli kvaliteta rada društava za reviziju i ovlaštenih revizora.

Aktivnost Komore na sprovođenju direktnog nadzora kvalitete rada društava za reviziju i ovlaštenih revizora, uz osiguravanje kompetentnog, nezavisnog i objektivnog pristupa u provedbi nadzornih aktivnosti, uvjetovana je prethodnim ostvarivanjem pretpostavki za nesmetano obavljanje funkcije direktnog nadzora:

- uspostavu sistema direktnog nadzora koji provodi Komora u smislu njegovog usklađenja sa zakonskim i drugim regulatornim okvirom koji podrazumijeva pravovaljane ovlasti za sprovođenje ove funkcije, dosljednu provedbu upravnog postupka i njegovo osiguranje,
- popunu Komisije za nadzor i provjeru kvalitete rada društava za reviziju i ovlaštenih revizora,
- izmjene i poboljšanja internih akata koji se odnose na provedbu funkcije direktnog nadzora u cilju uspostavljanja funkcionalnog i neovisnog nadzora i kontrole,

a imajući u vidu zaključak Skupštine Komore da se do daljnjeg obustavljaju procedure direktnih nadzora, do popune Komisije za nadzor i kontrolu kvaliteta rada revizorskih društava i ovlaštenih revizora.

S tim u vezi, a djelujući u skladu sa utvrđenim Planom rada, Planom poslovanja i finansijskim mogućnostima Komore, Upravno vijeće je 13.12.2018. godine donijelo Odluku o objavljivanju Javnog oglasa za izražavanje interesa za imenovanje u Komisiju za nadzor i kontrolu kvalitete rada društava za reviziju i ovlaštenih revizora, na temelju koje će putem javnog oglasa prikupiti informacije o licenciranim ovlaštenim revizorima ispunjavaju minimalne uvjete propisane zakonom i aktima Komore, te biti izvršena selekcija ovlaštenih revizora koji će, u svojstvu kandidata, biti predloženi Skupštini Komore na imenovanje za članova Komisije.

Upravno vijeće je također donijelo zaključak da se pristupi poboljšanju Minimalne metodologije obavljanja provjere kvaliteta rada društava za reviziju i ovlaštenih revizora i izradi upitnika koji će se koristiti za obavljanje direktnog nadzora, koji treba biti baziran na standardima. Ovdje, a vezano za izradu poboljšane metodologije nadzora, treba spomenuti korespondenciju s gđinom Johnom Hodgeom iz Centra za reformu finansijskog izvještavanja Svjetske banke, susrete s njim i komunikaciju koju namjeravamo nastaviti, te radionicu Svjetske banke u Beogradu iz oktobra 2017. godine, na kojoj su učestvovali predstavnici Komore i na kojoj su prezentirana iskustva i materijali vezano za provedbu nadzora a naročito uputstva za izradu priručnika za provjeru kvaliteta. Na temelju ovih materijala baziran je rad na poboljšanju dokumentacije relevantne za provedbu direktnog nadzora.

Iz naprijed navedenog može se zaključiti da su ključni izazovi sa kojima se suočava Komora u pogledu provođenja njenih zakonskih nadležnosti na unapređenju kvaliteta rada revizorskih društava i samim tim unapređenja kvaliteta finansijskog izvještavanja i njegove transparentnosti jasna i efikasna metodologija provođenja nadzora i kontrole kvaliteta i pravi



kadrovi neophodni za provođenje kontrole kvaliteta. Tijela Komore (u prvom redu Upravno vijeće) poduzimaju sve aktivnosti na prevazilaženju ovog problema.

U tu svrhu ocijenjeno je da je potrebno fokusirati aktivnosti na povećanju kapaciteta Komore, obezbjeđenje kvalitetnih ljudskih resursa i, s tim u vezi, finansijskih izvora.

### **3. Podrška profesionalnom razvoju članstva-edukacija za ovlaštene revizore**

U okviru aktivnosti podrške profesionalnom razvoju članstva, poboljšanju kvaliteta i vrijednosti ljudskog kapitala u revizorskoj profesiji u cilju podizanja kvalitete pružanja revizorskih usluga, a u skladu sa okvirom koji predstavljaju međunarodni revizijski standardi, kodeks etike profesionalnih računovođa i metodologija revizije za mala i srednja poduzeća, te materijalima usklađenim sa programom Svjetske banke, Revizorska komora je u 2018. godini ostvarila provođenje pet seminara, sa svrhom širenja znanja i vještina, i sa ciljem doprinosa podizanju nivoa kvalitete revizijskih usluga i unaprijeđenju učinkovitosti i djelotvornosti revizorske metodologije. Također, cilj je bio i jačanje svijesti o sistemima kontrole kvaliteta i zahtjevima za obezbjeđenje kvalitete revizije.

Metodom prezentacije, te praktičnih primjera uz interaktivne sesije sa otvorenim diskusijama realizirani su sljedeći edukacijski sadržaji:

- Seminari: "Osiguranje kvaliteta revizije" i „Ostali angažmani sa izražavanjem uvjerenja“, održani u Neumu 21.09. i 22.09.2018. godine,
- Seminar: „Zaključak revizije i izdavanje mišljenja u svjetlu MrevS – Modul 1 i Kontrola kvaliteta u malim i srednjim revizorskim društvima u skladu sa MSSK1 i IFAC-ovim priručnikom za kontrolu kvaliteta za mala i srednja društva – Modul 1“, održan u Sarajevu 30.10.2018. godine,
- Seminar „Kontrola kvaliteta u malim i srednjim revizorskim društvima u skladu sa MSSK1 i IFAC-ovim priručnikom za kontrolu kvaliteta za mala i srednja društva – Modul 2“ i „Procjena rizika značajno pogrešnog prikazivanja finansijskih izvještaja uslijed prijevара“, održan u Sarajevu 21.11.2018. godine i
- Seminar: „Izveštaj revizora u skladu sa novim i izmijenjenim MrevS-ima“ i „Novi MSFI 16 – Najmovi, računovodstveni i revizijski aspekt“, održan u Sarajevu 13.12.2018. godine.

Seminari su održani u okviru programa Kontinuirane profesionalne edukacije koju verificira Savez računovođa, revizora i finansijskih radnika/djelatnika FBiH, a u realizaciji seminara sudjelovao je tim predavača angažiranih iz redova članstva Komore, kao i naučni djelatnici i eksperti iz struke.

Posebno treba istaknuti da su u okviru ovih edukacija članstvu Komore prenesena znanja i materijali sa radionica u organizaciji Svjetske banke u koje su uključeni predstavnici Komore. U toku 2018. godine predstavnici Komore su sudjelovali na dvije radionice / treninga u organizaciji Svjetske banke održanim u Beču, te su putem e-linka bili uključeni u nekoliko edukacijskih sesija, preko kojih su prezentirana odnosno razmjenjivana znanja i materijali, koji su kasnije korišteni u edukacijskim aktivnostima Komore.

Komora je Savezu računovođa, revizora i finansijskih radnika/djelatnika FBiH dostavila Okvirni godišnji prijedlog oblika i sadržaja edukacije koji je planiran tokom 2019. godine, u okviru Kontinuirane profesionalne edukacije koju verificira Savez RiRFBiH.

#### 4. Komunikacija i suradnja sa drugim institucijama

Komunikacija sa Federalnim ministarstvom finansija u 2018. godini se odvijala kontinuirano i bez poteškoća. Ista se bazirala na redovnoj pismenoj komunikaciji, a predstavnici Upravnog vijeća Komore su održali sastanak s predstavnicima Federalnog ministarstva finansija 30.08.2018. godine na kojem su predstavnici Komore informirali Ministarstvo o radu Komore i problemima vezanim za sprovođenje direktnog nadzora. U cilju jasnijeg definiranja uloge Komore u poboljšanju kvalitete rada društava za reviziju i ovlaštenih revizora raspravljano je o modelima finansiranja Komore i eventualnoj pomoći Ministarstva. Ocijenjeno je da je potrebno ojačati suradnju u partnerstvu Ministarstva i Komore u ostvarenju ovog zadatka.

Sa Odborom za javni nadzor Komore, društava za reviziju i ovlaštenih revizora u proteklom periodu održana su dva sastanka: 20.06.2018. godine, 23.10.2018. godine. Odbor je podržao aktivnosti koje Upravno vijeće poduzima na prevazilaženju problema i naglasio zajedničku ulogu u uklanjanju elemenata koji onesposobljavaju rad Komore i tijela Komore te je istaknuta potreba zajedničkog rješavanja problema.

Na sastancima su doneseni zaključci da se identificiraju problemi te podijele u systemske i operative prema hijerarhiji, te je Komora dokument sa identificiranim problemima dostavila Odboru. Također, zaključeno je da Upravno vijeće Komore napravi projekt uvođenja direktnog nadzora sa utvrđenim polazištem i ciljem sa vremenskom dinamikom i potrebnim resursima za provođenje istog. Predstavnik Odbora Prof. Dr. Željko Šain se riječima podrške obratio članstvu Komore na sjednici Skupštine održanoj u Neumu 21.09.2018. godine.

U 2018. godini predstavnici Komore su sudjelovali na Zajedničkoj radionici u organizaciji Svjetske banke, organiziranoj u Beču 11. i 12. 04.2018. godine (Joint CFRR – IFAC EduCop and Training of Trainers Workshop, Vienna), kao i na Ministarskoj konferenciji 2018, održanoj 27.11.2018. u Beču: sa temom Finansijske informacije – katalizatori ekonomskih integracija, informacije sa naglaskom na revizorski aspekt, te Zajedničkim radionicama EU REPARIS, STAREP i PULSAR programa Svjetske banke u Beču 28. i 29.11.2018. godine.

Sa izvještajima o radu, rezultatima i zaključcima, te materijalima sa ovih konferencija i radionica na seminarima je upoznato članstvo Komore, te će ova aktivnost biti i dalje nastavljena.

Održavana je redovna komunikacija sa Savezom računovođa, revizora i finansijskih radnika/djelatnika FBiH, u smislu učešća Komore u programu kontinuirane profesionalne edukacije Saveza usmjerenog na revizore i druge oblasti relevantne za jačanje profesije.

Predstavnici Komore su 07.11.2018. godine održali sastanak s predstavnicima Agencije za javne nabavke BiH, na temu problema vezano za provedbu javnih nabavki za usluge revizije, a obzirom na probleme prisutne u postupcima javnih nabavki vezano za usluge revizije, a koji se tiču postupaka i načina odabira, te pritužbe koje su evidentirane. Zaključeno je kako će Agencija javno objaviti preporuke za postupanje u cilju prevazilaženja problema provedbe javnih nabavki za usluge revizije. U tom smislu dogovoreno je da će Komora Agenciji

dostaviti mišljenja i prijedloge iz svog domena i nadležnosti, kako bi zajednički djelovali na izradi ovih preporuka u cilju što efikasnijeg rješenja problema.

**5. Aktivnost Komore na provođenju disciplinskog postupka i donošenje odluka o utvrđivanju disciplinske odgovornosti za povredu ugleda revizorske profesije i kršenje odredbi Etičkog kodeksa**

Imenovano Disciplinsko vijeće Revizorske komore je u 2018. godini sa zadatkom provođenja disciplinskog postupka i donošenja odluka o utvrđivanju disciplinske odgovornosti za povredu ugleda revizorske profesije i kršenje odredbi Etičkog kodeksa, postupajući po podnesenim prijavama sprovelo sedam postupaka nad 4 društva za reviziju i 2 ovlaštena revizora. Za 2 društva (BDO doo Mostar, zbog neblagovremenog dostavljanja popunjenog Godišnjeg upitnika i Revident doo Zenica, zbog nepoštivanja Tarife revizorskih usluga) je izrečena disciplinska mjera „javna opomena“, za 1 društvo (BDO doo Banja Luka, zbog neblagovremenog dostavljanja popunjenog Godišnjeg upitnika) „opomena“, a 1 društvo (RSM BH doo Sarajevo, po prijavi za nepoštivanje Tarife) je po okončanju postupka oslobođeno disciplinske odgovornosti. Također, izrečena je mjera javna opomena za učinjeni disciplinski prekršaj ovlaštenim revizorima (Marko Čolak i Dragan Knezović) za povredu iz članka 3. st.3. Pravilnika o disciplinskom postupku.

U realizaciji zadataka utvrđenih Programom i planom rada za proteklu godinu učestvovala su tijela Komore i stručna služba, a prema potrebi angažirana su eksterno i druga lica u skladu sa Statutom i drugim aktima Komore.

Revizorska komora  
Federacije Bosne i Hercegovine  
Ivanka Brkić, predsjednica

